

Nunna Eng



Postal Regn. No. MZR - 16
e-mail : nunnaeng23@gmail.com

Rawngbawl tura chhandam

☎ Pastor Qtr. : 2326992
☎ Editor : 82579 02084

Volume- 42 Issue No:10

Electric Veng KTP Chanchinbu (Kar tin chhuak) Ni 06.04.2025 (Pathianni)



Pastor Programme

Inrinni zan atanga
Pathianni chawhnu thlang
Electric Vengthlang
Kohhranah Pastor
bial a fang ang.

Inkhawm Thawhlawm

March ni 30
(Pathianni) inkhawm
thawhlawm :

Puitling SS - ₹43,860/-
Masihi - ₹ 2,140/-
Naupang SS - ₹21,210/-

Charity Fund

March ni 30
(Pathianni) zan Charity Fund
puala thawhlawm lakkhawm
atangin ₹36,727/- hmuh a ni.

Nilaini Zan

March ni 2
(Nilaini) zan inkhawmah
pem dawnsawn chungkaw
pahni an awm.

Buhfaitham

March ni 31
(Thawhtanni) zing buhfai-
tham 2215 kgs hralhna
atangin ₹44,310/- hmuh a ni.

Synod Relief Fund

Tun hnaia harsatna
hrang hrang tawkte hnenah
Synod Relief Fund atangin
₹1,70,000/- chhawmdawl na
pek a ni.

Kohhran Hmeichhe Hriattirna

Wawiin chawhma
inkhawm banah, Bial
Kohhran Hmeichhe
Intlawh Tawn-a rem tur
hla zir a ngai a, kohhran
hmeichhe member zawng
zawngte thahnemngai taka
zir theuh tur a ni e.
Thingpui leh a
hmeichhe a awm ang.

Kohhran Zaipawl

Kohhran inkhawm
banah kohhran zaipawl ten
hla zir tur a ni.

Tleirawl Pual Inkhawm Neih A Ni Dawn

Kristian Thalai Pawl leh Christian Youth Service-te chuan April ni 7
(Thawhtanni) zan hian a tum khatna atan “**Tleirawl Pual Inkhawm**” an hmang
dawn a. Hemi hunah hian Pathian Biak Inkhawm leh Fellowship hun hlimawm tak
hman a ni ang. Thalai member leh CYS membrete inkhawm theuh turin kan insawm
a. Tleirawl leh Rawltharte hi nakin lawka thalai member pawimawh tak tak tur an
la ni dawn a, kohhran kalphung ngaih pawimawh leh inzirtirna hun tha a ni tih
hriaa kohhran nu leh paten kan tu leh fate inkhawm tir theuh turin kan inngen e.
Hun hman dan tur chu a hnuaia mi ang hi a ni :-

Pathian Biak Inkhawm

Hruaitu : Pu Laltlankima, Director, CYS
Tantu : NI. Linda Lalhmangaihzuail Sailo
Thusawi tawi: Tv. Lalchhanhima Sailo,
Leader, KTP
Zaipawl : CYS
Female Voice: KTP

Inkhawm ban Fellowship, Kohhran Hall

Hruaitu : Tv. Lalnunsanga,
Asst. Leader, KTP
Special items: 1. KTP Beat Group,
2. CYS Beat Group
3. Solo - K. Lalrohlu, CYS
4. Show Choir, KTP
5. Fak Lam, CYS

Biak In Chhunga Inchei Dan Tur Leh Awm Dan Mawi Kaihruaina

(Source : KTP Handbook)

1. Mipa tân:

(1) Pathian biak inkhawmah
mahni phak tawka incheina kan neih thatte
fel fai taka inbelin inkhawm thin ni se.

(2) Rawngbawltute, pulpit,
maicham leh lectern vela hun
hmangtute chuan a theih hram chuan
kohhran mipui pawhin kohhran
inkhawm zahawmna kawnga awm an
tihpui theih tur thawmhnaw inbel leh
pheikhawb bun te hi a mawi a, kohhran
mipuiten inthlahdah anga an ngaih theih
tur leh awm lo an tih anga thawmhnaw
inbel loh hram a tha.

2. Hmeichhe tân:

(1) Pathian biak inkhawmah
thawmhnaw thianghlim leh zahawm
pangngai tak inbel hi a thain a mawi a.
Kekawr-hak te, kawr pan lutuk taksa
lang tlang hak te, kawr awm zau lutuk
leh tawt lutuk hak te hi a mawi lo a, hak
loh a tha

(2) Pathian biak inkhawmah
puan bih emaw, pawnfen pangngai fen
emaw hi a thain a mawi a, hei hi zawm
tlan ni se.

(3) Hmai hnawih (make-up)
hman hian hmel a timawi a, a mawi tawh
hman thiam erawh a tha.

(4) Inneih nia mo incheinaah hian
a mawi leh zahawm tawh ngaihtuaha
inthuam ni se.

3. Biak In chung awm dân mawi:

Kohhranhoten Pathian biao Biak
Ina kan inkhawm hian Biak In chung
awm dân tur kan infuih thar reng a ngai
a; chutiang atan chuan a hnuaia mite hi
zawm tlan tum ni se.

(1) Inkhawmnaah Bible leh
(Kristian) Hla Bu ken thin tur a ni a;
thu zir tur bik awm hunah zirilaibu ken
thin hi a mawi.

(2) Hla hril hi hlim lai deuh leh
inkhawmpui nikhuaah lo chuan tih loh a
tha; an hril a nih pawhin tlar tin sawi
chhuah vek a tul ber lo.

Solfa thluka sakah phei chuan
hril loh a inhmech zawk.

(3) Pathian biak inkhawmah
chuan Kristian Hla Bu a mi hi sak ber
tur a ni a; a thlukah pawh Kristian Hla
Bua mi hi hman ber tur a ni.

(4) Biak Ina luhin thut fel veleh
tawngtai tur a ni. Inkhawm chhung chuan
chhuah loh hrâm ni se; loh theih loha
chhuah a tul a nih pawhin tha taka luh
leh ni se. Tul bik thil a nih loh chuan
inkhawm ban hmain haw loh hram ni se.

(5) Biak In chung hi kan zah tur
a ni a; bula mite nen inbiak te, thil ei te,
thial leh hmuam lam chite tih loh tur a
ni a; mit rin leh inhnawih lam chite pawh
tih loh tur a ni.

(chhunzawmna phek 3-naah)

EDITORIAL BOARD

Editor

F. Lalnunpuii

Jt. Editors

Laltianzova Chawngthu
Lalrozama Ralte
Vanzamawii
Zomuansangi

Computer Operators

R. Lalbuatsaiha
Laldinpuia
H.V. L. Malsawma
Kenneth Zonunmawia
Lalremmawii Khiangte
Lalngaihawmi

News Editors

Lalchhanchhuaha
Eddie Lalmuanpuia
Lalngaihawma
Lalmalsawmi
K. Lalrempuii

Cir. Managers

Vanlalchhuantea
V. Lawmsangzuala
Vanneihtluanga

Treasurer

Zomuani Ralte



Editorial

Sap thufing chuan ‘Bul tan that chu a chanve zo tluk a ni’ tiin a sawi a; kawng engkimah bul tan that hi a pawimawh a. Amaherawhchu ringtu nunah chuan bul tan that ringawt a taw lo va, kan tawpna a dik hi a pawimawh ber a ni.

Kan kohhran kalphung leh KTP chet velna te pawh hi han inen ila, kum tir lamah chuan inkhawm leh thiltih hrim hrim ah theihawp kan chhuahin kan phur tlang em em thin. Kum tira Sunday school hming zia niah chuan Biak Ina leng lo khawpin kan kal ziah thin a nih hi. Mahse kum chanve hnu lamah chuan Sunday school kai kan tlem a, kohhran inkhawm kan tlahniam a, KTP chet velna leh thiltih ah te phurna a kiam zel thin.

Kohhran chak leh chak loh te, KTP member-te that leh that loh te chu kum tira inkhawm tam lama teh chi a ni lova, kum tawp thlenga tang peih zat atanga teh tur ni awm tak a ni.

Ringtu nunah chuan teirei peih a ngai a, ‘thih thlenga rinawm’ tura min kotu hian kum chanve hnu lama inthlahdah turin min ko lo va, kum bul chauh tha taka tan ringawt turin min ko hek lo. a tawp tha taka kan zawh hi min duhpui em em a ni. Kum bul tha taka tan a kum tawp lama zuzi mai lovin kawng engkimah kum bul lama kan rilru ang chiah pu zelin theihtawp chhuah zel ila, lallukhum hlu chang ngei turin i bei zel ang u.

ZING TAWNGTAI INKHAWM HRUAITU

Ni 07.04.2025 (Thawhtanni)

Hruaitu : Pi Chawngchhungi

Ni 08.04.2025 (Thawhlehi)

Hruaitu : Upa H. Lalrammawia

Ni 09.04.2025 (Nilaini)

Hruaitu : Pi Vanlalpari

Ni 10.04.2025 (Ningani)

Hruaitu : Pu T. Thanzauva

Ni 11.04.2025 (Zirtawpni)

Hruaitu : Pi Vanlaldani

Ni 12.04.2025 (Inrinni)

Hruaitu : Pu Lalhuliana Hlondo

Ni 13.04.2024 (Pathianni)

Hruaitu : Pi Zosangpuii



Branch News



March ni 30 (Pathianni) zan kohhran zaipawl hla zir dan :

GROUP	Group OB	Group Committee	Member zawng zawng
Branch Committee	27		
Matthaia Group	4	19	23
Marka Group	5	25	32
Luka Group	6	23	29
Johana Group	5	21	29
Hla zir zawng zawng	113		



March ni 31 (Thawhtanni) zan group inkhawm dan:

GROUP	Member zawng zawng	Dar 6:45-a thu hman
Branch Committee	28	20
Matthaia Group	41	13
Marka Group	42	16
Luka Group	32	6
Johana Group	42	8
Chhimtu		
Inkhawm zawng zawng		157
Thawhlawm zat		₹ 5,245



March ni 31 (Thawhtanni) zan kohhran zaipawl hla zir dan :

GROUP	Group OB	Group Committee	Member zawng zawng
Branch Committee	25		
Matthaia Group	4	18	22
Marka Group	2	17	22
Luka Group	5	14	17
Johana Group	5	21	27
Hla zir zawng zawng	88		



Kohhran inkhawm leh hla zir ngaipawimawh thar zel turin member-te kan insawm.



March ni 2 (Nilaini) leh March ni 4 (Zirtawpni) zan khan Evangelism hmalakna in Protective Home leh Pisgah thingsulthliahah mi pakhat ve ve dah luh an ni. Tun dinhmunah Branch hian mi Paruk (6) kan sponsor mek a ni.



April ni 1 (Thawhlehi) zan khan Branch Committee neih a ni.

Branch Committee thurel tlangpui

- August thlaah Group Meet neih leh tur a ni a, item hrang hrang hmangin group inelna neih leh tur a ni.
- June ni 2 (Thawhtanni) zanah Literature Night hman leh tura ruahmanna siam a ni. In lam intih siakna leh Hall lam intih siakna neih a ni ang.
- May thla chung Bial Bible exam neih leh a ni ang. Group chhang tam ber lawmman in pek leh tur a ni.

Group News

Matthaia Group

March ni 3 (Ningani) zan khan group sumtuakna Dry Clean sem chhuah a ni a, Dry Clean tur petu te chungah leh hnatlaga thawkhhuak zawng zawngte chungah lawmthu an sawi.

Member-te inkhawm lamah leh kohhran zaipawl rawngbawlnaah te tel theih turin an insawm

Member-te inkhawm kal hma lama tan la sauh sauh turin an inggen.

Marka Group

Group member-te kohhran inkhawm leh kohhran zaipawl hla zirah tan la thar zual zel turin an insawm.

Dry clean tur khawn a member hnatlang a thawkhhuak zawng zawngte chungah lawmthu an sawi.

Luka Group

Group committee member Pi Lalremsangi chuan March ni 28 (Zirtawpni) khan Kohhran dan thianghlimin pasal a nei a, Luka Group chuan an lawmpui hle a, Pathian malsawmna dawnga Kristian chhungkaw tha tak din turin duhsakna an hlan.

Kohhran zaipawl hla zirnaah a tam thei ang ber tel turin an insawm.

Kohhran leh KTP inkhawm bakah inkhawm kal hma lama tan la zel turin an insawm.

Johana Group

Kohhran zaipawl hla zirnaah hma an sawn zel avangin lawmthu an sawi a, a tam thei ang ber tel zel turin an insawm .

Kohhran leh KTP inkhawm kal hma lama tan la zel turin an insawm.

❖ Isua Krista Rinna leh Amah anna kawnga thalaite hruai

❖ Kohhran Hnathawh tihpuitlin



❖ Kohhran Kutke ni tura thalaite buatsaih

❖ Krista Chanchintha puan darh

Kawng Awlsam a ni lo

- Jonathan Lalhmangaiha

Kawng awlsam a nilo, Hla thuthiam te meuh pawh in anlo phuahchhuah hial a ni. Duh vang renga piang ta lo chu, he hringnun zinkawng kan zawh lai ngêi pawh hian kan duh dan angin kan nung lo fo zawng a lo ni. Hling tam tak awmna kawng, buai leh harsatna lal na hmun ke pên tin chauh na hmun harsatnain mitin a phuar vênna khawvelah hian hlimna zawngin thlahlel taka kan tlan lai hian, kawng awlsam a ni lo tih ah erawh hi chuan duhthlanna pahni kan nei thung.

Chu duhthlan na chu keimahni ngeiin a kan thlan tur a ruat lawk a lo ni. Pathian in mihring te min pek thil hlu ber chu nunna hi a ni a, a dawt leh chu duhthlanna a ni thung. Kan rilru leh ngaihtuahna hmanga mahni awm dan tur rel fel thei tur leh mahni duhzawng thlang thei tura duan sa kan nihna ang hian duh vang rengin pianglo mah ilang he leia kan damchhung erawh hi chuan kan duhthlanna hi Pathianin a ngai pawimawh thung si a ni. Duhthlanna zalen kan nei e tih vanga kan duh duh tih erawh a thianga kher lo "Thil engkim tih ka tan a thianga, nimahsela thil engkim tih a tha kher lo;" (1 kor 6:12) Kan tunlai khawvel ah thalai mahni duh dan dân anga awm thei ni a in hria, duhthlanna awmzia hre lo kan pung tulh tulh niin a lang ta. Heng mi te hian mitam tak hip na an lifestyle copy thei tur khawp a mite hipna nei an ni fo thung si. Zalen na ka nei alawm, ka right alawm, ka duh duh ka ti ang, ka duh duh dan in ka nung ang tih te hi anmahni motivate tu lian ber a ni thung si." Kei mah hi kawng leh thutak leh nunna ka ni; keimah a kal lo chu tumah Pa hnen an thleng ngai lo". (Jn 14:6) Duhthlanna diklo leh thuthlukna diklo siam hi a pawitak zet zet a, a pawizia a lan chhuah meuh hi chuan

alo tlai duai tawh thin reng a ni. Kristian hla bu No.253 naah chuan, "kawng awlsam a ni lo, vânram kan panna kawng hi hling tam tak awmna kawng a ni e, kawng awlsam a ni lo; mahse, chhandamtu'n min hruai, ni tinin lâwmna min pe zêl thin" a lo tih ang hian khawvel lam thil thlang lova mahni hreawm pawh pawisa lo va hreawm huam a Pathian thlang tute chu khawvel hling buaina, mangan na, lungngaihna, damchhung lungkham na ten an hneh ve long Isua an kianga awm chuan kawng a tihen sak zêlin an phur apiang a chhâwk sak zêl thin. Duhtaka min siamte chu Pathian hian a duhzawng ti tur leh khawvel aiin amah thlang zawk tur hian tumah min dang bet ngai lo va, min nawr lui ngai hek lo.

Ruah sur zawhah ni engmawi tak alo chhuak thin ang hian, kan duhthlanna pawh hian kan nun a hril thui hle a ni. Khawvel mawina ropuina leh hmingthanna nge, nge, thlemna leh awna diklo karah pawh ni eng mawi tak lo chhuak tur ang mai a ruah sur hun dawh thei taka nghaktu kan ni zawk dawn le. Tirhkoh Paula chuan "Pathian duhzawnga lungngaihna chuan chhandamna tura simna a thlen a, chu chu inchhirawm lo tak a ni." (2 kor 7:10)



Tawngtaina Pindan

A tawpna atana perek a khenluh zawh chuan Rodrigo Sepulveda chuan a thilsiam chu a han thlêk vâng vâng a. February 6, 2010 (Inrinni)-a siam zawh hman a lo intiam angin a siam zo hman hram a. An thenawm a mi, a têt têt a tanga a lo kawm tawh, Carlos Escobar-a puihnain a siam zo thei a ni. Ani pawh chuan tha ti takin a en vâng vâng a. Chu an thil siam chu a dung leh vang 8x8ft a ni a, a bang chu 4"x4" a chhah a ni a. A chhungah chuan dawhkan, thutthleng tawi leh table lamp a awm a. Dawhkan chungah chuan Bible, lehkhaw puan leh pencil a awm bawka. Rodrigo-a chuan fianrial tha tak, 'tawngtaina pindan' siam a lo rilruk thin chu a puitlin ta a ni.

Carlos-a chuan, "A bang hi chu a chhah mah mah a nih hi," a ti a. Rodrigo-a chuan, "Hei lo hi chu ka nei lo alawm. Eng pawh nise, a tha khawp ang," a tia. An thenawmpa, Marcello-an thihpui tham tawhsual a tawh a, mak tak maia a dam chhuah a tanga khan Rodrigo-a nun chu a inthlak danglam a, a sakhaw mi ta em em mai a ni. Factory-a a thawhna a tanga an bân a tanga khan Rodrigo-a chuan Marcello-a hnen a tanga mistiri hna a lo zir a ni. Marcello-a ICU-a dah a niha doctor-te'n a damchhuah rêng rêng an beisei loh lai khan Rodrigo-a chu tihtak zetin a lo tawngtai char char a. Chu a tawngtaina avang chuan Marcello-a pawh kha a damchhuak leh a ni tih a ring nghet tlat a. Chuta tanga chuan 'Tawngtaina pindan' siam a duh ta a ni.

'Tawngtaina pindan' a neih a tanga Rodrigo-a nun danglamzia leh chu pindana hun a hman tam zia chu Carlos-a chuan a lo chhinchhiah reng a. An ram Chile-ah chuan lir a nghing ngun khawp a, thil lian tham a tichhiat loh thin avangin an lungkham tehchiam ngai lo. Amaherawhchu, February 27, 2010 zinga linghing chu danglam riauva a hriat avangin Carlos-a chu a mutna a tanga a tho a, a chhungte kai thovin pawnah an tlan chhuak a. A hnu lawkah chuan an chenna vanga in chu a thlusaip ta rum rum mai a, hlauthawng takin an in chu an thlir hlawm a. Chutah a'n hawi vel chuan Rodrigo-a chu a hmu ta hauh lo mai! "Khawng Rodrigo?" a tih chuan a fapa chuan, Concepcion-ah an zin alawm," a lo ti a. "Ni lo, amah chu a kal ve hlei nem," tiin in thlusaip vek tawhah chuan Rodrigo-a awm ringin a va tlan phei a. Lighing a rawn thawk leh thei tih hre reng chung chuan a thianpa zawng chuan a tlan phei zel a. A va pan hnaih chuan, "Min tanpui ru," tia au aw chu a hre ta a. Aw lo chhuahna lam pan chuan a kal zel a, Rodrigo-a chu 'tawngtaina pindan' chhungah dawkan hnuaia a lo tawm chu a va hmu ta a. Pawna an kai chhuah hnu chuan ti hian a sawi a.

"Zing dar 3-ah ka harh a, ka muhil thei si lova, 'tawngtaina pindanah hian ka phei ta a. Ka luh hnu lawkin lir a rawn nghing ta a ni," a ti a. Carlos-a chuan, "Bang chhah tak hian a chhanhim che a nih hi," a ti a. Mahse, Rodrigo-a chuan awpui chhuah meuhin, "A ni lo. Tawngtaina vang zawk a ni," a ti a.

"Lir a nghing tih ka hriat khan Pathian hnenah min humhim turin ka dil a, min humhim a ni. Carlos, 4"x4" a chhah chauh ka nei si a ka tih kha i la hria em?" a ti a. A rawn ding chhuak a, Carlos-a mit taka en chung chuan, "Pathianin lawng tuk dan tur Nova a hrilh ang chiah khan tawngtaina pindan sak dan tur min hrilh a ni. Chu chu a ni min humtu chu," a ti a.

Thil tha ti atan Krista Isuaah chuan siama awmin ama kutchhuak kan ni si a; chu thil tha tih chu kan awmna turin Pathianin a buatsaih lawk a ni. (Ephesi 2:10)



Kohhran Inkhawm Programme

Sunday School

Zirlai 13-na : Paulan chhandamna a sawi dan

Chawhnu

Tantu : Pi Lalbiakchhungi

Thuhriltu : Pu J. Lungawia

Zan

Thuhriltu : Rev. K.C. Vanlalduha

Nilaini Zan

Thupui : Khawchhak Kohhran leh
Khawthlang Kohhran Inthenna

Chhiar tur : Johana 16:12-15; Ephesi 4:29

Tantu : Pi Darziki

Thupuihawngtu : Pi Lalbiakchhuangi

Inrinni Zan

Tawngtai inkhawm leh rilru sawi

Tantu : Pi Chawngchhungi

CNI Inkhawm Programme

Hruaitu : Nl. Laura Lalrohlu

Tantu : Vanlalmalsawmi

Thusawitu : Nl. Zomuansangi

CYS Inkhawm Programme

Hruaitu : Pu Samuel Vanlalpeka

Tantu : Lalfakawma, Matthaia Group

Bible chhiar rual kaihruaitu : Lalrohlu, Johana Group

Hla zir hona neih tur a ni.



KTP Inkhawm Programme

Tawngtai Inkhawm

Hruaitu : Tv. Lalrinsanga Khawlhing, Luka Group

Tantu : Nl. Remlalliani, Marka Group

Thlengtu : Branch

Chawnghei Tawngtai

A hun : April ni 6 (Pathianni) Dar 5:45 pm

Hruaitu : Tv. R. Malsawmdawngkima

Thawhtanni Zan Inkhawm

Tleirawl Pual Inkhawm



Masih Sangati Inkhawm Programme

Sunday School

Zirlai 13-na : Cyprian-a

Thawhlehi Zan Inkhawm

Hruaitu : Pi Lalruatkimi

Tantu : Pu R. Lalduhawma

Fehchhuaha hun hman tur a ni ang.



Kohhran Hmeichhe Inkhawm Programme

Thawhlehi Zan Inkhawm

Ramthar zin zan

Hruaitu : Pi C. Lalparmawii

Tantu : Pi C. Lalmangaihi, B-6(3)

Bible chhiar rual : Buhfaitham Bial 4(2,3,4)

Thusawitu : Upa H. Lalrammawia

Ramthar Committee Chairman

NUNA HARSATNA NEITE TAN

Church Counsellor -9436374339

KTP Evangelism Chairman -9862376339

KTP Evangelism Secretary -9862876300



Naupang Sunday School Zirlai

Pre Beginner Department

Tantu : Pi H. Lalthakimi

Thilpek : Esther Lahlimpuii, Vantluangpuii

lakhawmtute Eliot Malsawmzuala

Beginner Department

Zirlai 13-na : Mosia a piang

Thilpek : Theodore Lalvensanga,

lakhawmtute Johan Remruathlua,

Nathan Malsawmzuala,

Hailey Laldinsangi

Primary Department

Zirlai 13-na : Abrahama leh sari

Tantu : Laldintluanga

Thilpek : Malsawmtluangi, Lalrinsangi,

lakhawmtute Faith Lalrinfeli, Laldawngzeli

Junior Department

Zirlai 13-na : Gideon

Tantu : J.C. Lalremisiami

Thilpek : Esther Lalruatfeli, Lalruatpuii,

lakhawmtute Lalmangaihi, Jennifer Remruatfeli

Intermediate Department

Zirlai 13-na : Miriami

Tantu : Lalromawii

Thilpek : Lalhruaitluangi, Lalhminghlui,

lakhawmtute Vanlalhunhlui

Sacrament Department

Zirlai 13-na : Chhandamna

Tantu : Rohlupuii

Thilpek : Ryan Lalhriatpuia,

lakhawmtute Vanremliana

Senior Department

Zirlai 13-na : Ruthi - Mo rinawm

Tantu : Zorintluangi

Thilpek : Lalmuanawma, Vanlalduhawma,

lakhawmtute Lalhchuanawma, K. Vanneihluanga



KPP Inkhawm Programme

Tawngtai Inkhawm

Hruaitu : Pu T. Vanlalchawia, Gr-III

Thawhtanni zan inkhawm

Short Sermon leh Hla Zir Inkhawm

Hruaitu : Pu Lalmuaka Ralte, Gr-I

Tantu : Pu K. Lalthanmawia, (B-3B) Gr-II

Thuchah tawi : Pu H.L. Chungnunga, Gr-III

Thawhlawm : Pu Rozzy V.L. Hruaia, Gr-I

khawntute Tv. Lalramthanga, Gr-I

(sub-head chhunzawmna)

(6) Biak Ina luh dawnin mobile phone meh hlum (switch off) emaw ri chhuak lo (silent) emawa dah thin tur a ni a; Biak In chhungah hman loh hrâm tur a ni.

(7) Biak In chhungah mobile phone camera hmanga thla lak hi insûm a tha a. Mobile phone-ah Bible emaw Kristian Hla Bu emaw kan dah a nih pawhin Pathian biak inkhawmah chuan hman loh a tha. Electronic gadgets dangte pawh Biak Inah chuan hman loh theih a tha hle